



Broj: 04-2-667/17
Sarajevo, 17.03.2017.god.

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	22-03-2017		
Org. jed.	Broj	Priloga	Vrijednost
05/2	-02	-	01/17

DOM NARODA PARLAMENTA
FEDERACIJE BiH

Hamdije Kreševljakovića br. 3
71 000 Sarajevo
n/r gđin. Hadžiavić Izmira, Sekretar

Predmet: Odgovor na delegatsko pitanje

Agenciji za bankarstvo FBiH (dalje: Agencija) je dana 20.02.2017. godine dostavljeno delegatsko pitanje delegata Forto Edina koje je postavljeno na 18. sjednici Doma naroda Parlamenta Federacije Bosne i Hercegovine koja je održana 09.02.2017. godine, gdje je zatraženo da se odgovori na slijedeće pitanje: Da li je Đolo Dario, zet federalne ministricе finansija Miličević Jelke, zasnovao radni odnos u Agenciji putem konkursa, i ukoliko jeste, možete li nam dostaviti primjerak tog konkursa?

Obzirom da je u međuvremenu došlo do promjene organa upravljanja Agencije upućujemo izvinjenje za kašnjenje u dostavljanju odgovora na delegatsko pitanje, te u nastavku dajemo slijedeće izjašnjenje:

Najprije želimo istaći da je Agencija stava da predmetne informacije potpadaju pod ograničenja Zakona o zaštiti ličnih podataka i Zakona o slobodni pristupa informacijama FBiH, obzirom da je osnovni cilj Zakona o zaštiti ličnih podataka da se na teritoriji BiH svim licima osigura zaštita ljudskih prava i osnovnih sloboda a naročito pravo na privatnost i zaštitu podataka u pogledu obrade ličnih podataka koja se na njih odnose te da je Zakonom o slobodi pristupa informacijama FBiH zaštita privatnosti utvrđena kao apsolutni izuzetak kada se informacija neće učiniti dostupnom. Ipak, Agencija u nastavku dostavlja tražene informacije, pritome cijeneći da iste neće ni u kojem slučaju biti zloupotrijebljene ili dalje obrađivane suprotno zakonskim ograničenjima.

Đolo Dario je zaposlen u Agenciji od 01.10.2014. godine bez konkursa zaključivanjem ugovora o radu na određeno vrijeme, a sve u skladu tadašnjim važećim Zakona o radu Federacije BiH (Sl. list FBiH, br. 43/99, 32/00 i 29/03) i u skladu sa Pravilnikom o radu Agencije za bankarstvo FBiH, gdje je propisano da direktor može donijeti odluku da zaposli osobu bez raspisivanja javnog oglasa kada je potrebno izvršiti zapošljavanje radi povećanja obima posla, a što je konkretno i bio slučaj.

Pored navedenog, želimo Vas informirati da je Agenciji već ranije bio upućen upit ove vrste, od strane medija, tačnije elektronskog portala Klix.ba, koji nam se obratio pozivajući se na Zakon o slobodi pristupa informacijama FBiH tražeći informacije o Đoli Dariu (podatke koji se odnose na zaključeni ugovor o radu i porodično stanje), nakon čega je Agencija donijela rješenje kojim je utvrđen izuzetak za pristup informacijama u odnosu na ove podatke/lični

podaci o zaposlenicima Agencije, jer isti ukazuju na lične interese koji se odnose na privatnost lica, a sve u skladu članom 8. pomenutog zakona kao i odredbama Zakona o zaštiti ličnih podataka. Agencija posebno ističe da ista kao ozbiljna institucija prilikom zapošljavanja ne cijeni niti se upušta u obrade podataka u smislu da li je neko u srodničkoj vezi sa osobama koji obnašaju određene funkcije.

Međutim, cijeneći i uvažavajući delegata koji je postavio delegatsko pitanje u konkretnom slučaju, Agencija je izvršila provjeru te ustanovila da Đolo Dario u vrijeme zapošljavanja nije bio zet federalne ministrice.

S poštovanjem,

DIREKTOR
Jasmin Mahmuzić

